

জগদাশ্রয়ঃ জগতিলোকসংগ্রহশাস্ত্রাদিপ্রবর্তনেন তন্নিষত্ত্বরিত্যর্থঃ । দৈবতং পূজ্যত্বেন
দর্শিতম্ ॥ ৭।১৪ ॥ শ্রীনারদো যুধিষ্ঠিরম্ ॥ ২৮৬—২৯৩ ॥

শ্রীকৃষ্ণপূজার অঙ্গরূপে ভূতাদি পূজার ব্যবস্থা থাকিলেও কিন্তু শুদ্ধ
বৈষ্ণবের পক্ষে তাহা করা কর্তব্য নহে । যেহেতু সেই ভূত-প্রেত-পিশাচাদি
ভগবানের আবরণদেবতা হইতে পারে না । পদ্মপুরাণের উত্তরখণ্ডে তাহারা
যে ভগবানের আবরণদেবতা হইতে পারে না - এ বিষয়ে নিষেধ করা আছে ।
যক্ষগণের পিশাচগণের মত্তমাংসাদির দ্বারা যে পূজা, তাহা সর্বথা নিষিদ্ধ ।
প্রাকৃত স্বর্গীয় দেবগণের পূজা সুরাপান তুল্য মনে করিতে হইবে । অতএব
অবশ্যপূজ্য অন্যান্য দেবগণেরও যতপি মতাদি অভিমত, তথাপি সেই সকল
মতাদি দ্বারা তাহাদের পূজা করিবে না । যেমন শ্রীসঙ্কর্ষণ বলদেবচন্দ্রের
বারুণিমদিরা প্রভৃতি অভিলষিত, তথাপি সাধকের কখনও তদ্বারা পূজা করা
কর্তব্য নহে । অনন্তর এই পীঠপূজায় যে অধর্ম এবং সত্ত্ব, রজঃ ও তমঃ—এই
তিনটি গুণ আছে, কিন্তু পদ্মপুরাণের উত্তরখণ্ডে তাহাদের কথা তো স্পষ্টরূপে
উল্লেখ নাই-ই, এমন কি অন্তর্দ্বান বিদ্যাতেও তাহারা সেই যোগপীঠ স্পর্শ
করিতে সমর্থ নহে । তেমনই স্বায়ম্ভুবাগমেও তাহাদের উল্লেখ নাই । এস্থলে
মনে হয় - স্বায়ম্ভুবাগম বলিতে ব্রহ্মসংহিতাকে উল্লেখ করা হইয়াছে । অতএব
সেই সকল অধর্ম প্রভৃতিকে পীঠাবরণ দেবতারূপে আদর করিতে হইবে না ।
কিন্তু কেহ কেহ নারদপঞ্চরাত্র-অনুসারে অধর্ম প্রভৃতিকে অন্যরকম অর্থ
করিয়াছেন । সেই নারদপঞ্চরাত্রে উল্লেখ আছে—অধর্ম, অজ্ঞান, অবৈরাগ্য ও
অনৈশ্বর্য—এই চারিটিকে অমঙ্গলার্থে প্রয়োগ করিয়া থাকে । অর্থাৎ অধার্মিক
প্রভৃতিতে যে অন্তর্ধ্যামী শক্তি আছে, সেই উদ্দেশ্যে অধর্ম প্রভৃতি শব্দ উল্লেখ
করা হইয়াছে । পীঠপূজায় ভগবানের বামপ্রদেশে শ্রীগুরুপাদুকা পূজাই
সঙ্গত । যে এই ভগবান এই জগতে ব্যাপ্তিরূপে ভক্তাবতারভাবে শ্রীগুরুস্বরূপ
বিद्यমান আছেন, সেই শ্রীভগবানই শ্রীভগবানের যোগপীঠে সমষ্টিরূপে
শ্রীভগবানের বামপ্রদেশে সাক্ষাৎ অবতাররূপেও শ্রীগুরুস্বরূপে বিद्यমান
আছেন । সেইপ্রকার শ্রীরামাদি উপাসনায় যে মৈন্দ দ্বিবিদ প্রভৃতি আবরণ
দেবতা আছে, তাহারা শ্রীরামচন্দ্রের নিত্যধামে নিত্য ও শুদ্ধরূপেই আছেন ।
যেমন অক্রুরাঘমর্ষণে অর্থাৎ শ্রীযমুনাঙ্গে শ্রীঅক্রুর মহাশয় যখন স্নান করিতে-
ছিলেন, সেই সময়ে জলমধ্যে অনন্তশয্যায় শায়িত যে বিষ্ণুকে দেখিয়াছিলেন,
তাহার নিকটে শ্রীপ্রহ্লাদ প্রভৃতিকেও দর্শন করিয়াছিলেন । তাহা
১০।১৯।৫৪ শ্লোকে উল্লেখ করা আছে । যে শ্রীপ্রহ্লাদ পৃথুমহারাজ কর্তৃক
পৃথিবীদোহন সময়ে বৎস হইয়াছিলেন । তখন কিন্তু প্রহ্লাদ মহাশয়ের জন্ম